

文苑英華卷第八百八十六 碑四十三 神道四

將相四

太子太傅貞憲趙憬神道碑一首

太師忠武公渾瑊碑一首

尚書左僕射宣武軍節度使董晉神道碑一首

故正議大夫守門下侍郎同中書門下平章事成

紀縣開國男賜紫金魚袋贈太子太傅貞憲趙公

神道碑銘

權德輿

在漢孝宣厲精理道則有魏相通故事丙吉知大體百職  
脩明中興有聲惟皇帝在位十四祀得賢相成紀公趙氏  
受天清淳佐時緝熙本洪範之正直躬大雅之明哲左輔



右弼調若鼎味降祥而生盡瘁而終時貞元十三年年六

十一皇上震悼不視朝三日詔奉常具儀法冊贈太子太

傅傳又俾百執事爲位哭於其庭吊祠禮贈集作率有加等

二府之屬或銘其德於壽堂或狀其行於考功有司稽實

謚曰貞憲公之盛業斯謂不朽又舉其始中終之畧識于

神道公諱憬字退翁天水西人其先成子之文宣子之忠

文子之知人左丘明太史公實書之曾王父仁本皇司列

少常伯同東西臺三品以忠清勵翼多所發明乾封物章

之祭號爲稱職王父贈趙集作州都督諡諡歷右司郎中乾

封縣令司僕少卿烈考贈鄭州刺史道先仕至洪州錄事

參軍惟祖禰含章故慶延追錫崇構丕矩復大於公公集

抱之歲生知色養羈冠集作之年則無幼志及夫被儒服

踐法言敬直而文肅莊而溫端誠博物錯綜古今非大中

至正不接於心術寶應中玄宗崩肅宗幸梓宮有司議方

中復土之制時西鄙日聳歲饑人流公以王者追孝恤禮

宜儉褐衣上疏詞約指明君子曰此劉更生諫昌陵之言

也息偃江介名聲籍甚始佐州司師乃辟戎車自試守江夏

尉三遷至監察御史其後翹車繼轍賢侯虛左大凡難理

之府皆待公爲重歷殿中侍御史太子舍人集作丁大夫

人憂柴毀孺慕殆將死孝感導善氣降爲嘉生有芝煌煌

秀于壤樹之側公默而去之人莫知者旣免喪徵拜水部

員外郎未幾檢校工部郎中副湘中七州軍事居一年詔



領留府尋踐方伯以中執法錫金印紫綬罷職家居拜給  
事中執法疊懷和比狄有下嫁冊命之禮優兼憲丞以副  
皇華旋軫未至遷尚書左丞峻人用彰皆以貞勝其初撫  
封上符于漢中守臣之任憂寄愈切公恤隱布和仁而愛  
人輿師知訓善吏樂職行之三年教化明備底貢有藝賦  
政不煩絜矩以杜奇衰露章而無吐茹飛語雷動明誠山  
立受代踰年事實敷聞故有左曹之命講貫舊章惟真是  
視刑或失入議將必還公望日盛其勤靡盬故有和戎之  
役致賜諭旨協寧殊憐疆場之言專對而不給紀綱之僕  
承事而不征保就安利北方咸悅故有在途之拜整南宮  
之紀律起郎吏之功緒風望素重法制尤精嘗歲終舉吏

可以長人者或以其細故深詆將以病公公乃移書自訟  
請下其考有博大之度無怨欲之私一臺承式六轡在手  
持綱體要善否有章故積公輔之望貞元八年夏四月拜  
中書侍郎平章事明年五月轉門下侍郎以厚德載物以  
全才宣化舉直盡忠敷納詳集作明正王集作度之本去  
一朝之便事有統紀心無面從嘉猷匡英華總言鎮定弘  
大謙厚而不伐持平而居易闢邪塞遠貞厲而不校陟恪  
始終帝載用和戲疑夫先正集無帝伯歷左肅機東臺侍  
郎克著休功再參大政公皆踐之是以仰之嘗以為漢庭  
諸公罕備有集作用以石慶之醇謹而不能關決薛宣之  
方畧而失於煩碎翟方進之通明而固其位公孫弘之節



儉而近於名公備

集作備

有其長彼實多缺唯丙魏所履我

無愧焉嚮使天與之年盡行其道則天之所化可勝既乎

故其登庸也士之仁者相賀而不仁者相吊吊其全歸也士

之仁者相吊吊而不仁者相賀斯可知已至若睦中外之姻

而均其祿賜嚴宗廟之祀而不理第室啓手足之日家無

餘財奉終卽遠待恩禮而後備難矣哉嗣子宣亮全亮元

亮承亮等伯季以門子爲弘文生叔仲始鮮巾受祿皆稟

德風幼而孝謹以十一月景午時得吉卜奉公之喪祔窆

于河南緱氏縣景山之原禮也以德輿叨居宰士嘗辱深

知職奉贊書備詳盛烈俾刻金石聞于無窮銘曰

晉有成宣代稱忠勲先正常伯匪躬事君績復於公爲

獻臣德不踰閑心不違仁貞其所履以翼天子大猷

集作備

是經中立不倚乃賦明命宜躋遐紀吾道方伸脩途遽已

緱原蒼蒼宰樹成行令名章章樂石在旁噫嘻太傅之風

末代不忘

故朔方河中晉絳邠寧慶等州兵馬副元帥河中

絳邠節度度支營田觀察處置等使元從奉天定

難功臣開府儀同三司檢校司徒兼中書令河中

尹上柱國咸寧郡王贈太師忠武渾公神道碑銘

前人

天地訢合以生萬物

文粹作嘉集作卉

其成歲功也則有肅殺震

曜之助焉君臣保乂以熙百志其講武功也則有經綸翼



戴之輔焉龍蛇起蟄山澤通氣與運相值有開必先斯太師所以宣力四代稽謨七德輝煌威靈勤身濯行集作征是霆

征集作擊是風行乃緝熙于光明故凋戈淑旂以嚴師律黃流

玄衮以正台耀湛露彤弓以覺報宴納書追命以榮恤禮

蕃錫始終如公之功公諱臧字某其先夏姒之後為淳維

漢劉之代為渾耶或強以文粹無以字為國集作或強與為國或分以

保文粹無保字姓貞觀中開置州壤就加官師魯祖元慶皇豹

韜衛將軍靈丘縣開國伯祖大文粹作文壽皇太子僕贈尚書

左僕射考釋之皇開府儀同三司太常卿兼御史中丞寧

朔郡王贈司空惟靈丘紹先公之職居次卿之重僕射以

績厚文粹家寧朔以文粹雄邊貴仕崇勳乃列茅社流光追

遠是加密印回復介社開先元臣功昭于前人德合于大

君建中癸亥翠華西狩公以大司馬艱貞翼從部勒戎車

揣摩殺機勤勞行內為上心膺登壇授律誓命交感如漢

拜淮陰侯故事而又加焉乃進左揆遂參大政物賦輿而

為之師長恢王畧而以之北伐克黨盡銳壁于武亭公以

事鉅師老則傷威重正合奇勝在於疾力奮寡擊眾鼓行

無前殲夷潰弱如建瓴水中堅席勝又覆於咸陽長轂啓

行既闢于延秋會西平王以東諸侯之師清宮獻捷公乃

抑其賈勇須彼成功室士心之尅伐息兵火之氣焯然後

窮追斬級寇孽以平備法從於清蹕捧大明於黃道告類

薦功登拜上台撫封尹正復與虜确文粹作會時北平王出大



鹵收絳臺而公已惣成師下左輔於是緝忠力揚奇鋒復

離宮拔堅壘衡陣壓境傳于蒲津金鼓之聲氣相合山河

之表裏皆復渠魁授首師帥協附安流以濟方軌而前士

不離傷文粹作離傷工不易肆二文粹作珍寇正刑四方咸酥

論道正律乃平水土秉誼靖人以脩班制休嘉賁于草木

利澤逮于鰥寡言為軍志動為吏師貞元景子政成一紀

進掌邦教遂居右弼十五年冬寢疾集作病十二月辛未薨

于理所享年六十四皇上悼歎不視朝五日冊贈太師賻

集作賜賜集作賜襚吊祠有司備物大僚襄物明年二月甲申葬我大

師于萬年縣洪固原太常跡其功德奏謚曰忠武禮也初

六年十一以將門子仕于邊部未弱冠五遷至左驍衛將

軍始從朔方之師戰黑山次從隴右之師摧石堡又嘗西

出臨洮奪昆夷之善地而為之壁壘北絕太漠破險徭之

堅甲而焚其廬帳又從汾陽王臨淮王討反虜于山東南

攻贊皇北取真定射其特將李立節貫于左肩斃之又五

遷至太常卿皆以功次其間開地于河曲以靜九蕃宣威

于陝西乃定三川凡王師之所以尅獲都邑元老之所以

發揚蹈厲公必居其先偏而當其勅劇故以御史中丞為

靈州左司馬以御史大夫為邠州刺史以工部尚書為單

于大都護專征上郡榆林之地入為左金吾衛大將軍又

以戶部尚書奉晉王出車之重自時厥後投艱感慨能納

大忠以恤大事理蒲十六年再陟公台以司空兼侍中以



司徒兼中書令大凡歷官二十八次真食千八百室居節制者五副元帥者四材力絕人始封樓煩方內洽平乃進咸寧凡汾陽王九代之勲公皆左右四履之地公皆踐歷憫冊師禮法謚尊名公皆如之所不至者壽而已矣惟公厚性寬中智謀深靜秉義類以賦明命植端誠以糾王慝講功述職遠意長利執德之柄蹈禮之與致其用以格天啓其心以沃聖協建皇極爲宗工元龜雅好左氏春秋班氏史得考父之恭范宣之讓驃衛之功畧黃韓之教化又嘗慕太史公自叙著作集無作字行紀文粹作已一篇詞不矜大而事皆明備有子五人曰殿中少監鍊太子中允鎬太子司義郎鉅櫟陽尉鋼雲陽尉鐵著位于兩宮以奉朝請試吏

循集作

平縣內以脩事任食德而才稟訓而忠皆以純孝致其哀敬令弟輔國大將軍右領軍衛將軍武當郡王玘與諸孤等推丞熹景鍾之義因識集作職表以聞有詔詞臣刻石傳信乃採其贊書侯表作神道銘銘曰

北載斗極陰方尚武玄金朱轡錫命都府太師間代感會雲雨四征庇人九合尊主昔未成童則能肆勤卓行深入致果忘身弱冠摧鋒環列南軍中興之後書社策勲援袍兩河轉戰三秦靈朔邠邠所居必聞出統蕃衛入司徼循時丁阨難節冠群倫逋誅煽結狂穢宮闕西平鞠旅公亦授鉞旣臨廷秋如火烈烈休士退舍時惟不伐侵殄乖方蒲津未通比平釋位公實撫封胥命長春克成厥功開壁

文苑英華卷一百一十六

七



勞軍靡有不公以律則臧在和而克時惟太師有嚴有翼  
乃敷仁澤乃布條職時惟太師有功有德三公二府是獎  
是陟徐印易名以尊以飾材官介士鹵簿悽惻大隧解原  
終二本南之北萬邦作憲求代是式追琢馨香與唐無極

故宣武軍節度副大使知節度事管內支度營田

沐宋毫顯等州觀察處置等使金紫光祿大夫檢

校尚書左僕射同中書門下平章事西郡開國公

贈太傅董公神道碑銘 前人

漢興五代孝武思理膠西相陳天人之際王道之端昌言  
大對統紀條貫純嘏積厚遠而寢明帝唐九葉順考古道

隴西公兼集作將相之重承尉衛之崇落心宣力作率

華陟恪宗工能積其烈公諱晉字混成河東虞鄉人

溫厚絜矩通理秉義以立故不為利疚知動之微故每與

告景作會初肅宗受端命以合兵車思欲去元元於湯火

致王度於金玉以文告威讓遠猷密命之為重也故公解

巾披荆校文視草凡三徙官被以采章代宗御天下乃清

吏職以為文憲彌綸陪貳事任百辟交脩則理道洽故公

再入御史府三為尚書郎歷秘書丘長府奉常武侯之亞

今上建皇都以纂鴻業思代天工俾寧方內故公出入屯

夷昭明有融中居大僚以至柄用貞元五年春三月拜門

下侍郎同中書門下平章事居五年除禮部尚書用耆碩

俊德轉遷兵部分正弘化以本官畢命為東都留守東都



畿汝州都防禦使安危注意以左揆持相印充宣武軍節  
度汴宋毫穎等州觀察處置等使十五年二月丁丑薨于  
位享年七十六罷朝三日追命太傅有司易其名曰恭惠  
職喪法賻皆俊彛等所以視其踐履而加優之也初公以  
祠部郎爲出疆從事北方之強驕蹇否負伐功怙力徵我  
厚弊使臣指顧公攝其詞詞達氣直虜皆震伏殫威命於  
專對輝光華於外區仁者之勇沛然餘力其爲太府未浹  
日而理乃珥貂蟬實兼憲丞含章以承顧問秉直以司紀  
律脩起故事京師肅然其爲華州徵赴行內以祭酒  
亞相使于北河其往也剡門不出關東多壘習俗故態且  
相附離公則破其從約使循軌道其還也蒲坂旣阻玉宮

集作絕

律脩起故事京師肅然其爲華州徵赴行內以祭酒

未清婪婪二逆恣睢相合公則折其兇謀因以鬱沒憑賦  
有勞扈蹕而旋益用尊禮大其職業司徼循也五校嚴備  
持重而不苛處綱轄也六職遵脩舉直而不紊典禮樂也  
百神咸秩薦信而不黷其爲相也上載元聖下熙百工柔  
惠小物協寧大政推明常古之制章叙理平之業粹和而  
不耀敬讓而不居言陳於前不可悉數拜章八上然後得  
請其撫封也尤爲難理先是在宥推恩叅授兵柄至有恃  
凶器以邀好爵者氣燄不還風波相沿是邦再亂人用恟  
恐上以爲陳留天下之郊也非素重臣不可以率先賦政  
公旣受命與一二從事記室儒服而前不待裏言不恃悍  
衛寬信夷易闇然風行長城大蔡蘊在靈府悍將伏罪齊



人樂業四隣諸侯折中於公居四年政成力疾累求入覲  
因條陳利病請制於未然上難其繼以致沒代噫夫一邦  
之人得公而理失公而亂刦介夫殺大吏猶原燎川潰於  
不可遏嚮公之嘉猷密䟽如前知焉其明智歟董氏在春  
秋時書法不隱在戰國時贊明命聞於諸侯自膠西而下  
淳耀溢大在魏有司徒昭在蜀有尚書令允扶義納忠以  
幹機衡其族舊矣公會祖仁琬皇州博士祖大禮贈右散  
騎常侍考伯良開州新浦主簿贈尚書左僕射三代有令  
德而無責任蕃祉所鍾發爲追崇宜哉有子四人秘書省  
著作郎全道秘書郎溪大理評事全素太常寺太祝澥等  
其承學也專其就列也敬祈焉而孤纍然以哀日於先遠

數協吉以某

集作其

年十月丁酉奉理命家法薄葬公于

河南縣萬安山之原以前夫人南陽張氏繼夫人京兆常  
氏祔焉從周禮也惟公自筮仕至捐館四十五年無伐善  
無違德歷官三十六皆以理効聞自建中以還居中分閫  
再調彛實一人而已范文子所謂厚德者能享多福惟公  
有之全道等猶懼懿鑠之不永于後與陵谷之有遷也以  
德輿奉行公之命書者三宜金石刻故跡其誄謚而爲之  
銘其詞曰

后王財成雋乂昭明以建皇極甫申居內方邵理外周邦  
是式於惟隴西求福不回文武宣力調和公餼整訓長轂  
柔惠且直膠西章章道可佐王屈相下國綿代儲慶至公



盛位實配德子子干旗昔性浚都俗既紓息翻翻素旗  
今旋洛師人用悞惻惟是壤樹資於四布萬安之側德輝  
在茲末代有詞于以篆刻

校正九十八字

六月十四日

文苑英華卷第八百八十六

碑四十四 神道五

將相五

齊成公神道碑一首

左僕射賈耽神道碑一首

故中書侍郎同中書門下平章事太子賓客贈戶

部尚書齊成公神道碑

權德輿

有唐文學政事之君子曰相國齊成公諱抗字遐舉清方

粹溫絜矩秉懿明誠盡性切磨

集作

化育之道精義入神

旁魄天人之際以忠事君以病乞身乃去台宰乃儕商皓  
然後撤琴瑟啓手足歿齒無違德以從先大夫於九原易  
名曰成不亦宜乎公定州義豐人自太公表東海桓公匡  
天下爲國爲家或哲或仁烈祖贈太師府君諱澣歷給事



中中書舍人吏部侍郎止於平陽太守出入陟降中行山  
立至今言開元名臣者稱公有遺直遺愛焉實生先公贈  
國子祭酒府君諱翽履道貞厲仕至左龍武軍倉曹積厚  
於上流光於下其位不克故大受於公公既亂而孤哀過  
成人屬幽陵橫潰中夏如燬奉太夫人安輿違難於越得  
子州支伯之故地而偕隱焉誅草茅以順居息悅山水以  
資仁智方茂天爵用觀靈龜嘉招重問奔走以狎至虛已  
弘道從容而翔集吳郡張相君鑑方以仁義理濠上得君  
為榮及進律于成師于岐累為命介若騫有鞫建中中戎  
王謀大和會以休寧西方右扶風綿亘汧隴地當甌脫且  
有成命正其經界公實佐中權登壇蒞盟得其情數與之  
結締克就衣裳之會用銷邊鄙之警自解巾三遷至殿中  
侍御史俄屬涇旅竊發群兇挺災天兵展義於甸內王公  
死難於理所百舍奔問至于行宮拜侍御史有詔以蕭黃  
門復布愷澤于東夏命公為工部員外郎以贊焉復命轉  
倉部郎中李懷公阻命于蒲連兵未解關中飢旱經費不  
足轉粟饋軍濟時之艱患求才急病命使以轉達遷兵部  
郎中兼御史中丞以董其任俄拜諫議大夫當軸者不相  
容坐婚親細故出為處州刺史先是山越寇攘蕩覆城寺  
公乃卜勢勝之爽塏因習俗之便安三時不害百堵皆作  
朝典陟明拜蘇州刺史吳實劇部大田多稼浮淫冒沒吏  
禁或弛占著名數戶版不均公乃閱其生齒書其比要強



家大猾不得蓋藏公特單騎與之紆息已日乃孚厥猷茂  
焉遷潭州刺史御史中丞湖南觀察使以嚮時二郡之理  
而弘大之其仁可知也左曹理本微為給事中周郊寄重  
擢為河南尹盜有宋瞿曇者白晝椎剽為郡偷襲橐三川  
病之幾三十年公法令嚴具網絡張設名文粹捕魁宿使  
無遺類指顧之間擒擿如神乃作秘書章明文雅脩舊以  
起廢乃作太常統和神人節事以辨志便蕃大條其道乃  
光德宗皇帝方以堯舜氏聰明之道馭天下用賢人克相  
位拜中書侍郎同中書門下平章事熙九功之歌質百官  
之成損益文獻化裁形器精微以折衷密靜而不伐或事  
隱於造膝或言行於沃心初天官氏每歲表他曹郎二人

閱多士試言第其甲乙春官氏俾考功郎文粹有選考秀

之親故者而進退之公以冢宰少宗伯為官人取士之本

蓋天子有司之重寄字至於避小嫌亂舊章適滋岐旁孰

謂禡鑄蹇蹇坦坦之道豈如是耶然後闢康莊付文粹衡

尺遵公是之路去自便之私天下之人謂之理道尋有詔

脩國史昔孔父無位以空文為一王法公當盛聖之代用

宰司惣直筆其於褒貶勸懼明焉勤慮盡瘁積成寢恙累

章乞告改太子賓客遭罹不淑贈戶部尚書時貞元甲申

歲夏四月春秋六十有五夫人河南獨孤氏某官某之女

賢明蚤夭繼夫人蘭陵蕭氏某官某之女仁順有禮法嗣

子鍊銜恤毀瘠侍公裳帷以某月日祔于東都某原喪祭



哀敬君子以為有後惟公深而通肅而寬出處動靜必以中正敬用五事暢於四支資性儼恪尤長鑒裁在岐也薦齊忠公映佐蕭也薦盧恭公邁皆至丞相其他推轂下士為朝廷臣成天下重名碩望者不可勝書凡所論者皆研幾析理弘雅夷遠洪州文宣王廟碑張蕭盧三相國碑誌本聖人教化之蹟推大政譽明之道固其性術講貫而發舒乎斯文文集二十卷中倫體要盡在是矣公薨五年鍊調為洛陽尉求惟先烈未刻豐碑以德與夙承湖海之舊中忝掖垣之屬他日舉代靡形話言獲於遺編實見陰德顧茲無似有玷知人濡涕含毫以表幽宅銘曰

昔在營丘大風泱泱有倬平陽令聲音章不踐宰政貽慶

子姓含曹含光大學追命厥生中書秉哲集作哲居政集作

正正鵬起扶搖鸞翔慶霄乃登紫微以瑞清朝吉凶糾纏寒

暑結轡其生有涯其用無極壽堂冥冥冢樹森植揭茲馨

香終古是式

左僕射賈耽神道碑

鄭餘慶

公諱耽字敦詩其先長樂人也七代祖元楷因葛榮之亂避地始徙家於浮陽隋開皇中改浮陽為清池今為清池人也烈祖遠則皇德州長河尉祖知義皇沁州沁源主簿

贈揚州大都督考琰之唐宰相世系表作元琰贈尚書左僕射皆才

光道益溢器位非偶積善有遂鍾于魏公公天寶十載明經

高第乾元中授貝州臨清尉州縣之職與公非宜兵戈甫



與時不韜才公詣闕獻書授絳州太平尉太原節度王思  
禮察公器重識高涵泳萬頃署度支判官轉試左驍衛兵  
曹試大理司直監察殿中侍御史職並如故遂遷檢校繕  
部員外郎兼太原少尹侍御史北都副留守仍賜金章紫  
綬就加檢校禮部郎中凡歷數使賓待益重竒才愈茂弘  
器日彰天下士君子推公爲棟梁遷汾州刺史在郡七年  
憺怛之愛忠利之教序四器導五常百姓日用而不知熙  
然致於仁壽鳥足語其瑣細歟徵拜鴻臚卿兼左右威遠  
營使通夷狄之情序賓客之位其有素矣是歲拜梁州刺  
史兼御史中丞山南西道節度觀察度支營田等使加朝  
議大夫封廣州男時守臣梁崇義恃漢水峴山之險負固  
僭強公受詔領麾下沿江東討降均州屯穀城所向皆  
以功加銀青光祿大夫上以慎理軍旅以信夷夏邊封謐  
清而百姓晏安是時故山南西道節度使相國鄭公震洎  
邠寧節度使張僕射獻甫或爲部刺史或爲都將皆雄毅  
宏達常流不及忌能飛語危疑是懼軍帥之例罕有全度  
公前推信誠中發坦蕩咸以事曉加之慰薦竟垂忠勲兼  
佩將相引張推轂受脰微公之恢朗洞識二人曷能臻歟  
在鎮三年遷檢校工部尚書襄州刺史御史大夫山南東  
道節度觀察使會李希烈亂常朝廷致誅詔公爲司徒梁  
公勉招討副使以公懿德懷姿不冝爲副寇難未平徵拜  
工部尚書職崇喉舌望允台鼎俄以本官兼御史大夫東



都留守判東都尚書省事充東都畿汝州都防禦使又加東都畿唐汝鄧州都防禦觀察使舊例居守不出王城公以射藝絕倫氣橫秋霜德宗知公信在言前優詔特許薄符郊甸允所謂珪璋特達之德也遷檢校尚書右僕射充義成軍節度鄭滑等州觀察處置等使屬有鄰師戍兵護邊魚服鵠冠異軍三千公弛析罷警門闔洞開慮其未安重延廊廡坦易信誠挺出今古海濤山峙茫茫屹屹培塿畎澮安得不服其洪濤峻嶠歟凡更四鎮踐履如一尋以風疾懇形封章御札名方與十金之醫馳賜不允陳讓俄而護<sub>護</sub>疹貞元九年入覲拜尚書右僕射同中書門下平章事朝廷爲之<sub>寶</sub>嚴廊爲之重天下以之信向蠻夷以之

來加金紫光祿大夫轉左僕射依前平章事遷檢校司空依前左僕射平章事遂嬰風疾四表陳讓不俞朝旨御醫盈門中使填路嗚呼有盛衰也有晝夜也聚散之理常也死生之變大也愚智同塵賢不肖共轍孰能究之哉公爲御史先府君追贈太子中允先夫人鞠氏贈東萊縣太君歸本郡遷葬鄉邦榮之先府君累贈尚書左僕射鞠太君贈齊國太夫人祖贈揚州大都督祖妣崔氏累贈博陵郡太夫人廟貌觀德豐碑紀烈奉君親而載劬啓手足而免夫始卒之道侯具躋而以求貞元年十月一日薨于長安光福里之私第享年七十六輟朝四日再贈太傅詔鴻臚卿渾鍊持節備禮賻絹一千匹米粟一千石詔葬長安高



陽原夫人贈扶風郡夫人武功蘇氏鸞部郎中守忠之孫  
處士珣之女先公二十五年而歿在是而合葬焉秉周禮  
也長子曠太常寺協律郎涓於青春次子麟太子議郎少  
子噪京兆府參軍公好古在汾州時於戒行尼寺家童院  
得晉西河王分司馬斌碑太康中尚郎索靖八分書翳蒼  
蕪蕪之下字可辨者猶存大半有割太原四縣以爲邦邑  
之語公再建於寺殿之前爲尚書時懷魏鄭汴軍聲未輯  
詔公宣遏而兩家之難解抑推君命且曰服寬信也公既  
習經籍老而不倦九流百氏靡不該覽通夷裔之風俗盡  
山川之險易歷代沿革之自百王廢置之山關塞通塞之  
因牧圉盛衰之異道程疎密之準要荒亨獻之數聚米畫  
地成於指掌矧夫丹青神化縹緗纂述數十年來西戎陷  
我河湟其圖籍志錄泯絕散落非公強力精專蹂躪貫穿  
靡書不探雖賤必訪則自汧隴而西傳疑唱謬紛紛不已  
已化爲奇昧天意若曰降公之聰達精博拯厥將墜一作墜  
歟興元元年詔公撰國圖貞元十四年先獻關中隴右及  
山南九州等圖又撰別錄六卷吐蕃黃河錄共四卷優詔  
褒異賜馬一匹銀器數事綿絲三百疋十四年冬撰海內  
華夷圖成并撰古今郡國縣道四夷述四十卷貞元十道  
錄四卷賜馬兩匹銀器數事綿絲五百疋又內出銀棊二  
蓋殊渥也於戲渤海左湧洪河前激決漭其地氣必將有  
以孕育哲賢謨明盛時爲紀爲綱爲棟爲榑體貳爲一作如



仁萬夫之望豈特河海地理云乎哉亦將上動昭回下降  
星精為忠為孝為聰為明為君子為弘器公有大度容物  
也浩無津涯而恪慎兢畏不有怠也有明哲保身也孰云  
肯綮而端方肅祗未嘗離也公奉親以孝事主以忠待天  
下以信博識以強力蕪隅以砥礪居台座十三年秉戎律  
四鎮垂十五年產不過中人日給有不暇之意非夫脫落  
塵機翱翔青冥孰能然哉夫郟穀之閱禮樂敦詩書祭遵  
雖在軍旅不忘俎豆邴吉之不過汙丞相車茵劉寬之無  
爛汝手叔度之涯渙元陽之不伐衛玠之理遣情恕公咸  
頡頏恢博得其兼備者已公考求六藝張弓挾矢允謂殊  
倫連墮冥冥之羽雙貫五采之翬殖積豕之獸圖畫歌詠  
噫嘻君子多乎哉文章之製博達而清約盛矣著述有未  
就者歿有遺一作餘恨痛隣等知公歟疑作與餘慶有忘年之  
眷見託紀徽烈俾鴻代芬芳不歇表唐得賢臣之目焉銘  
曰

圓方既明渾淪粹精辰耀騰溢降為賢英郁郁魏公薰然  
淑清脫落瑣細曾吞長鯨其一天寶之季前塵荐起懷策上  
謁言塵可止少年下位事不行矣命官絳臺渥澤伊始其二

車騎開府司空晉陽萃賢揚幕優游抑揚惟公聳然落落  
堂堂群議乃曰允膺巖廊其三剖竹西河衆蘇情結風俗丕

變載欣一作脣載悅六鈞服猛雙鴻一發式是威武洸洸烈

烈其四入掌九賓羽儀清都四夷荒職貢畫地圖帝曰漢中



實惟爾區廷授龍節雙旌碩儒其推轂漢南乃司冬官保

釐成同白馬登壇更踐數鎮撫人以寬或三四年遂成勝

殘其徵弼中樞朝廷為實謀不外揚功宣造膝與物宥過

意工言質天下日用曷由窺室其知命兮死生齊松楸列

兮埏埴成蹊海曾兮渾渾浩浩一指兮和天倪謬知言之

重顧銘藥石兮悽悽萬物或幾乎息矣惟公德兮竟際其

授正三十二字 天氣盛暑遊於池北書堂 十五日記

文苑英華卷第八百八十八 碑四十五神道碑

將相六

故丞相尚書左僕射贈太尉王公神道碑一首

故丞相太子少師贈太尉牛公神道碑一首

故丞相尚書左僕射太尉王公神道碑 李宗閔

上即位五年正月丞相左僕射太原王公以癸巳一作癸

疾其明日遂薨於位天子震悼慙惻遽命內謁者詣其室

索其所以飲食寢作之端既詳其無他狀遂贈一作布帛

菽粟率用峻等既又不塞痛軫之意加內府之絹千疋以

賜之為之罷朝三日命兵部侍郎一人持節駕駟馬一無

簫鼓出自正殿直抵柩前冊公為太尉葬有日官給秘器



及就途遣王人亟臨視之命羽葆旂常輅車之飾皆及墓  
俟其返虞鼓聲四節於里第而還示不與常制等也其子  
鎮以宗閔晚陪公於相位之末稍窺公之行請銘其烈以  
垂其後且不宜拒遂鋪其犖犖所能言者於金石云於公  
諱播字明敷太原人周靈王太子晉之後以歷世爲王因  
而受氏高祖蒲汾州長史生大璉嘉州司馬給事中司馬  
生昇一作昇非咸陽縣令太子少師少師生恕揚州倉曹叅軍

尚書左僕射公僕射元子也忠敬而本仁寬明而有制內  
顯而敏外肅而和貞元十年舉進士第是歲策賢良以直  
言校書於集賢殿其言平戎經國之術粲然可舉調尉監  
臺斷獄首出御史中丞李文愛之奏爲監察御史按雲陽

丞源咸季以賊免用疑文不宜調而調因謁於臺遂捕劾  
之追奸胥窮律旨奏流咸季刑曹郎一作部罷所居官給事

中以省詔非是奪俸緣而坐罪者甚衆自是風聲不可遏  
矣爲侍侍一無御史時京兆李實文皇寵一作所委能禍福卿

士凡其榮衰繫所附背舉朝迎避其鋒公在途而實來揖  
公移文詆之其詞可羞實遂奏公爲三原令求其不足於  
禮以持之公至尹署泊群吏之館還其邑敬府之禮無不  
其實旣出其筭反加畏焉縣之編於戶者多中貴人前令  
率不能自爲其政施一作地張牽之公悉召所謂貴人入坐

堂中一作當拜曰敬桑梓宜如是也邑人大駭從其所指爲  
長安令朝廷方恩于頔而以帝女嫁其子民有與于氏蒼



頭同盜人馬者前令捕民而縱其蒼頭公始至縣即立取其奴與民均其法知御史雜事京師饑穀起價京西諸侯相率閉粟公移之簡書徵秦晉泛舟之說西鎮惴惴收去條令粟流于秦元和四年為御史中丞歲中知京兆尹六年為刑部侍郎克鹽鉄轉運使上言派人會赦而歸獨豐一作配囚為鬪遂無還者請率以七歲為竟至今用之尋加福部尚書益以御史大夫又以戶部尚書節度西蜀長慶初觀穆宗言中外之事遂留為刑部尚書復幹塩鐵冬拜中書侍郎平章事仍其職匡維激發始以進賢為急上方有意河朔以財賦始出於下一作方十二年公用相印為淮南節度使以其職隨之四年言事者謂塩運之設宜留

京師用制方上加檢校司空去其使未幾上念公成法又以使屬公加司徒今上踐祚急詔徵公至即拜左僕射同中書門下平章事仍其使尋兼太清宫使累進爵至太原郡開國公食邑二千戶進階至金紫光祿大夫年七十二而薨公入官三十二政逮事六帝出統楚蜀之師入極台宰之尊前後三物塩鐵既出一作去又復幾二十年天之所覆地之所載寧有獨私於公耶必有以當其然也一署吏苟不犯無能奪其任者歲時奏課至於榮太史胥次遷亦如之故人用安其為善莫有欺公者雖遠至海裔若物戀管捶窮年不死一吏貶一職而群務自濟凡朝廷平淮取鄆屠汴下滄景干戈不息者十五六年饋餉資費隨其緩



急而立辦沛然若神給其間溝琵琶導潁河以漕輕舟師人坐受其飽疏三門挽沉石以濟巨艦關中遂亡其饑薦

皇甫鎛之強敏而鎛反短公於上公猶不知上謂其長者

論景忠信矯制釋一無此字逗撓之將期必抵於罪時服其敢

深涉徐境導齟齬而為忠槩人曰真宰相器也權征之外

有雜緡率貢內帑號為羨進貞元中歲不過十二萬緡及

公歲貢百萬緡凡國有大征伐不慮其費之有無洎丞相

晉公專征討之事兵食悉出於公公方一無方字從容以贊其

成及滄景平公有叶力之助自御中丞京兆尹物賦秉政

未嘗書笏為記善於啓奏天子不能自守其喜怒公以專

志持務密匡於上行已寡徒不喜伐露由是數帝任遇多

被恩澤權利去晉如在諸已人多意公能詭合於時及公

再持相印與晉國洎一二公同輔於上趨嚮甚直雅符於

道苟所舉公是公必扶之即非是公遂嘿嘿不和由是上

知公厚重而同列亦聳待之乃見公之所為與嚮之不知

者期公蓋甚戾也公既屈於名而伸於富貴豈非盛德君

子神明之所祐耶故夫人清河崔氏給事中銳之女嗣子

鎮一作前秘書丞砥服名教不以丞相子自居其身

次日冰始叅一作京兆府叅軍事其器甚遠一作宏公之

仲弟曰炎季弟曰起與公三人俱用文學奮於江左西遊

長安七中甲乙時議備之公向一無向字歿不幾日而起以戶

部尚書司國之計門閹之士交一作咸來哭賀群吏之執籍



繁夥一如公之時其亦於世難求也其從事故相國程公

異今荆州相國段公文昌其他分居中外羅于一作臺閣

者不啻三十人銘曰在歲太和惟帝聖神圖任舊台一作

乃相太原維是太原福祿其奔再持化權樞揆聯聯兩統

劇藩楚淮蜀坤始自元和公秉貨泉歷憲穆敬一作憲泊

項茲聖君四帝財征去公執親惟煮惟鑄惟範惟聚或

惟聚惟輓東掃北殄上之所怒帶甲百萬唯一作食唯巨俾公

尸之不勞而具變通以時物無滯遺一作綱條一施莫越

其規御衆以仁中控其機信行恩馳罔有詐欺公之惟揚

漕務其將公之留庭職與公并首尾貫聯已二十年相府

使符隨其興殂公之敏智顯爵自至不紛其外姑真一作

其裏始承其風畏公之遠及與之同泳公之義一作仁人

之跡歿而乃熾揭於茲碑不仆不偃一作皆唐文粹

故丞相太子少師贈太尉牛公神道碑 李珣

天球河圖有國之大寶麒麟鳳凰王者之嘉瑞方於賢彥

即又次焉天祐我唐才傑間出輔時興化代有其人公諱

僧孺字思黯隴西狄道人本子姓漢有牛崇為隴西王簿

因家焉代為西州豪族八代祖弘仕隋為吏部尚書封奇

章公佐佑文帝有重名於時高祖鳳及一無中宗時為春

官侍郎掌國史曾祖休克集州刺史贈給事中祖父紹太

常博士贈太尉父幼聞華州鄭縣尉贈太保公七歲而孤

依倚外族周氏嶽嶽卓卓有老成之風以喪禮自處未嘗



戲弄年十五知先奇章公城南有隋室賜田數頃書千卷  
乃辭親肄習孜孜矻矻不捨蚤夜泊一作自四五年業成舉

進士軒然有聲時常崖州作相網羅賢雋知公名願與交  
公袖文往謁一見如舊由是公卿籍甚名動京師得上第

聯以賢良方正舉又冠甲科策中盛言時事無有隱避持  
權者深忌之出爲伊闕尉名府賢侯羔鴈繼至封章屢薦

每爲中執事所阻皆不滿秩從潞帥郗士美簡授管記三  
奏不得請竟除河南尉會有次對太寮因言事解於上前

遷監察御史丁太夫人憂服闋除本官轉殿中公以文高  
氣直累歲堙屈問望所屬推美於臺閣間入省拜禮部員

外郎時孟尚書簡有重望以地官貳卿兼領綱憲薦公知  
雜轉都官員外兼侍御史免憲職授考功員外郎集賢學

士穆宗即位宰相稱其能遷庫部郎中掌書命召對與語  
上德之面賜五品服未幾遷中丞每對延英必移時蓋言

天下事有武將直臣爲宿州刺史豪奪聚斂以貨數百萬  
厚結權貴公按之爲有力者排幾不危竟以詞堅理直上

意迴直臣乃得罪由是上以蕭直知又面賜金紫拜戶部  
侍郎時望允一作允塞中書令韓弘以財投分公拒而不受

上因他事得一作知之愈賢公遂作相持重顧大體不言細  
事嘗謂同列諸相曰致理之本流品爲先彛倫攸叙蓋謂

此也每惜名器力與同列爭方鎮以不廉聞一作問者輒奏  
貶以賄賂求進者必阻之先是李司徒逢吉與杜循州元



穎同作相穆宗寢疾議建儲貳與公不協後元穎出鎮井  
絡逢吉銜之思有釋憾於政事堂謂公曰西川前有廢丘  
謀上熟知之來日延英發其事公不知慎勿沮議公曰王  
導有言吾雖不殺伯仁伯仁由我而死正近此耳又安得  
不言哉逢吉喑鳴而止敬宗年少嗣位公雅善敷奏每言  
一事必本末陳之上甚倚愛同列挾中助力赫赫妬公之  
賢公亦思避其鋒三上疏求外任上以武昌善地建節幢  
兼相印以授之既至問人所病害咸言鄂土踈薄歲一脩  
城役工誅茅人用咨怨公默許心計埏泥範塶未及三年  
盡換舊制崇墉堅壁人到于今頽之文宗嗣位二年公入  
朝詔復相位上雅知公名一見恨得之晚會宋相申錫以

燕介聞巨姦鄭注挾北軍勢卜射取財貨富侔於國思策  
之直陰畫詭計誣與蕃邸通因內臣而上其變造作似是  
衆皆符會上驚聞激怒下法吏議其罪諫官伏閣爭不得  
公入侍密啓上意乃寬止於郡佐公實有力今李崖州鎮  
劍南西川上言西蕃別屯以維州降帶甲之士甚銳其地  
要害得之足以壯邊却徐圖河湟此其漸也上疑不決下  
南宮議百執事皆是西川奏公獨曰國家近與昆夷軟血  
四鎮晏然今若自虧大信大戎恃衆見詰渝盟彼直我曲  
未可量也上曰丞相之言是詔還維州初德裕承籍地勢  
自負機術公介特素不與之交及是大不平遂成宿憾公  
與李尚書宗閔同輔政出入殿省進退有度上偏目公曰



卿才類霍光異日可屬大事公懼蒲辭位再陳封章寵加  
端察出鎮淮海不改相印再登將壇揚州當江淮之衝習  
偷薄之俗公清淨簡易化人易風俾及五年臻於一作至

理倉廩實禮義行刑措政成脫屣歸洛優詔屢降雅志不  
回拜檢校司空東都留守文宗將有大制置大除授必降  
中使假於他方入皇城宣密旨獻可替否如在君前其信

重也如此俄以左僕射徵王人就賜官告特明異禮公感  
恩雖厚退身愈堅一對而歸不詣相第亦有中阻未諧人  
情又加相印出為漢南節度使制出上悔之欲追成命公

固辭上曰且不與卿周歲別出都門特賜清廟器六事皆  
範金飾玉如古時制宣曰以卿精忠用以貺別寵待之禮  
當時無儔公到襄州均井稅薄地征人用胥悅咸歌來慕

武宗初續極聽信未一行險者乘時而起凶德參會倒置  
天下事清賢名被斥逐惟公位高德重最難搖撼錄齟齬  
齟幾至二年屬大水壞居人廬舍公以實上聞仇家得以

逞志舉兩漢故事生災異策免降授太子少師時議不平  
又還檢校司徒兼太子太保俄又改太傅再臨東郊劉從  
諫死劉禎自擅以招義軍阻命天兵誅討五年方尅上喜

甚素忌公者媒孽鍛鍊誣公與從諫交上怒下詔旬日三  
貶公至循州長史鑿空指鹿四海之士咸寃之公推運達  
命恬然如得好官時踰嶺越險二年在海上無所苦今上

即位大明善惡三遷至少保轉少師牽復高位分司東洛



池臺琴酒逍遙自娛賢士大夫尚其軌躅未半歲遘疾薨于東都城南之別墅自嬰疾至于捐館譚笑語言寔居自

若口占理命纖悉無遺上聞為之軫悼聯日不視政公卿

相吊弔正人雪涕冊贈太尉遣大僚弔祭公端明商重忠厚

誠慤平居私室如見一作對大賓不喜釋老唯宗儒教早與

韓吏部皇甫即中為文章友其名相上下晚與白少傅劉

尚書為詩酒侶其韻無高卑前後作鎮皆佩相印辟署多

名難其一作於進而勇於退儉必中禮貴而不奢知命達理

保和居易三領大鎮接護軍以禮貌不至交歡再入中書

待樞一本有密字使以公平不容請托有恩必報有讐不校常

崖州於公恩也嫁二女歸名士薦長子登用行李崖州於

公讐也恤竄謫之窮途厚供待於逆旅其厚德歟亦難能

也夫人同郡辛氏贈僕射秘之女賢明懿淑稱於族姻有

子五人曰叢曰蔚能嗣其業皆擢進士第蔚監察御史叢

使府協律曰奉倩洛陽尉二人未知名公以大中戊辰歲

十二月二十九日薨以大中己巳歲五月十九日塋小子

不佞早棲門墻考選第叨殊等之科開賓筵忝入幕之吏

國士相遇筆札見知周旋款眷垂三十載刊石表墓一作德

分也難辭公歷官三十一政作相一十九年逮事六宗光

輔四帝承主恩必由直道解相印實無罪名自少及長不

失色於人佐時理家無恃入之貨持身斤斤一作不撓履道甚

夷嘗病在高位者不知止足終日抗論尅期拜章竟不及

一作曰蔚曰叢



年俾孤美志銘曰

公之生兮稟星辰公之道兮侔古人此句無公之才兮渾而

真公之性兮威且仁公之文兮斑馬隣公之藝兮游夏均

公之儉兮自我身公之簡兮無雜賓公之貞兮肅人倫公

之慎兮質鬼神公之相兮平如均均公為邦兮政如秦公不

幸兮罹數屯公無辜兮介于循天開日明兮堯舜為君舉

直措枉兮幽寬必伸牽復高資兮言旋洛濱逍遙琴筑兮

無異隱淪屈指懸車兮歎一作然十旬數懷未遂兮美疹

來臻悲纏冕旒兮哀慟縉紳寵贈加等兮冠于台臣有司

織喪兮歸塋咸秦觀者歎息兮國人酸辛袁安餘慶兮令

嗣煒煒陳寔道廣兮門生振振乃績徽猷兮刻于貞珉碑

生金字兮名德長新

校正五十字

六月十五日

文苑英華卷第八百八十八



文苑英華卷第八百八十九

文苑英華卷第八百八十九

碑四十六神道

將相七

贈官

御史大夫贈右丞相程行謀神道碑

贈右僕射王光謙神道碑

贈太師崔侁神道碑

御史大夫贈右丞相程行謀神道碑 蘇頌

御史大夫維弼之副尚書丞相與官之長若庭堅是勅山

甫為式凝績之一作懋進榮末一作陳極可也聖皇執象增

天報功元老協斯捧日疇貴將詔頌其美稱用命伯嬰與

之佐佐存趙立孤可也廣平之傑出者公名則字行謀世

以字行始終不易源彼二烈泉乎百代門閭當華嶽之峯

此篇祇奪滋甚文字多不可解

文苑英華卷第八百八十九



碑闕倚桃林之塞遷自吾祖定成我居作鄭人矣曾祖諱  
慶隋長子令祖諱德淹隋太康令考諱藥王皇秋浦令子  
男樹聲太宗於官閑令長傳業夙振於台揆况一變從道  
三稱靡風乎公神靈特應金火殊發含照灼而更幽蓄堅  
剛而轉銳常謂處山者猛不採藜藿成蹊者芳不言桃李  
靜安獨行沈覽群書以管晏之謀迪訓貽典用申韓之法  
微奇撮要高深廣大盡在是矣志大好學首中甲科初補  
潞城尉轉趙之平棘換虞鄉主簿任非待賢居是適用嬰  
酷而罷居喪幾滅率由於至性每不勝哀禮闕入為鄆尉  
時吳郡顧琮秉鈐調餽致公密啓授萬年尉尋遷左肅政  
臺監察御史裏行歷二尉尉字一作左右肅政丞侍御史遷  
復雙拜周旋五人悉心果孚履尾奚懼積豕旣制拉二豎  
於威孤之張神羊旣立挫三思於止戈之武固亦霜驅隼  
勁露落鵬摧豈避儉言俄招毀議出為幽州司馬都督薛  
訥以元帥綜戎仗權公為在端察設文備甲兵繕食一作  
廩績絕漠以奔嚴城洞啓遷定州長史未詣職入除金部  
郎中景龍六年鳴牝肆孽分宰京邑先屠戚黨吏部人相  
徂獄市皆紛微拜公長安令丕弊不辜大安所屬無何除  
將作少匠少府少監飾憇二字疑疑愛費閉奢曾不無益而  
成有差登加七命食千戶俾侯於廣平國轉刑部侍郎兼  
檢校送王府長史司寇持平以議罪君王好直而請由是  
用刑不頗為善最樂也明年王正月我后時邁翠華順動

文苑英華卷之九



蒼駕巡遊幸朔方而經周漢陟河東而觀舜禹命公為蒲州刺史本道按察備儲峙之饒悅服肱之壯期至人於道路寔君子於雲天然後搏擊守宰澄清中理上因聽政顧

侍臣曰江淮之間風氣果銳吏諸尤者朕已得之又遷楊州大都督府長史公刈作姦鉏撓法萬商利於舟楫三吳貞於鼓鑪皇念勤矣徵拜鴻臚卿即殿中監國開賓館威

懷柔服之京王列御府備物致用之殷則九卿不如六尚書也公力主財巨細錙銖定豐省翹天地之蘇三字來自西極溢水衡之貫獻于北宮擢拜御史大夫朝之紀也夫

端以憲臧流為法家含弘則弊於僂俛竦踊則嫌於激許一作狂徒一作失得且觀一作興替公之度蓋不然森貌寡

彼憚嚴而端察悞疑幽二字一藏密我易躁而安動一作和矣薛司晏如加戶益榮金紫宣命賚予虜倖丹青尹政嗚呼方恒位事歛謝期願享年八十有三以開元十四載

春之孟庚寅統日薨於洛陽之審政里第宸極悼焉行必馳組請不釋服曷云多矣一作尚德二尚厚三尚茲四尚舊以革而問遺中使者鴻寶金相一作望自闕逮凶則

撫贈左一作丞相衾常疑布帛盡萃其家喪禮塋數邁超夷等伊我公蹈規懸解臨事默識至初疑為心至公陳力薄驕奢之行卑乃崇高重明哲之謀尊而壽考匪有倫有要知至知終何以符契於君臣寵靈於存歿古未之效也

以貞為謚然與其年暮春壬寅十朋啓瑩雙表昭燧歸厝

一作



于鄭之少華原禮也一于鎮之幼爲尚舍直長稟義方之  
誨成幹裕之能以杖扶後起柴毀孤立凡厥所嗟上之所  
隕直清而美者則御史彭城劉彥回同郡宋詢並謂勞人  
祗服益承報國聞薦府庭朝夕棟宇遇甚恩結悲盈涕濡  
相與開陳詔命甄用詞藻爰備刊勒宜存妙好顧秩重黎  
之司日其正兮禮者其不佞乎粗言銘曰  
程伯休父膺厥命兮我公之貞保氏姓兮我公之德宣歌  
詠兮至于天宮翊明聖兮登以碩老資忠敬兮壽必待終  
名轉盛兮卜而獲兆與實令兮嗚呼太史秉直少華南映  
望陪我京還即于鄭

贈右僕射王光謙神道碑

權德輿

天球白珩產於崇山扣之而清越格人莊士生於積德用  
之而弘大其或含光而耀藏器不發乃熾而昌是滋百祥  
蘊而爲義方飾而爲徽章故太原王公四筮仕而領通邑  
五追崇而登端右循政茂於官下湛恩集於身後有繇然  
也公諱光謙字某自東漢鴈門太守澤五代至晉中書令  
獻之坦之歲蕤德名與吉祥一作侔盛自後魏龍驤將軍  
長社穆侯慧龍五代至隋秘書少監邵以勲華文學復大  
其門秘書生隋揚州戶曹參軍來東宰相世系表作  
皇青州司戶參軍子奇司戶生美原丞贈太常卿慶賢三  
代沉晦邁其風訓公即太常府君之長子也幼而岐嶷長  
而淳懿絜矩慎獨抱仁戴義閎深博辯之學稽古禮文之

率相世系表作

揚州司馬孝京

戶曹生



事炳然合章靡不通貫至若文舒之清脩廉實處冲之剖  
析玄微安期之弘恕懷祖之沉靜合是家法而射行之始  
以門蔭受署凡四徙官曰幽州三水潞州潞城二主簿絳  
州萬泉縣丞楚州淮陰縣令所至之邦二千石必加禮慰  
薦而公牢讓勇退卑不可踰及為縣令也務清淨之理而  
去其煩苦推明誠之本而教以廉隅一同熙熙生殖阜滋  
楚風丕變幾至齊魯因喟然曰彼天爵美祿者在仁義與  
樽酒而已太丘彭澤豈多秩耶於是放懷於外奮神於內  
沉研象繫之表盤礴天人之際其致知格物不可詳已以  
開元二十九年春正月捐館舍于淮陰年六十九其明年  
返塋于河東府偃師縣北山之陽夫人博陵崔氏贈博陵

太夫人繼夫人隴西李氏後夫人同郡武氏贈彭城郡太

夫人飾終三加子貴故也公之才子五人長曰翊以博

文雅典憲亮直方貞集作直方貞厲歷御史中丞在散騎常侍刑

部吏部二侍郎御史大夫贈戶部尚書謚曰忠惠次日翺

吏理詳明官河南府程陽縣尉集作承次日翊循良愷悌勲

德茂盛歷辰朗容三州刺史容管經畧使兼御史中丞河

中少尹朔方節度留後汾州刺史單于副都護鎮武軍使

徵拜京兆尹尋兼御史大夫再居大理寺卿為福建觀察

使入為太子賓客貞元十二年檢校禮部尚書東都留守

踐履藩垣逾四十年階至特進爵封本郡次日向士行清

脩為秦州上邽縣尉幼曰翺文敏有幹裕歷監察御史三



原縣令著作郎太子僕鯨向皆不幸蚤夭翽亦命屈其志  
而忠惠公太原公惣集休祉爲宗工蓋臣初忠惠公與肅  
宗代宗從容言天下事甚衆且曰文致太平在正名百職  
危言悃愾痛詆權倖條疏理道坦然章明沃心前席倚以  
爲相者數矣雖位竟不致至而其遺風直聲暴乎天下太原  
公剖符賦政累刻金石滅夷越劇賊開地靖人倅蒲也以  
沉幾銷急變護單于也以尺書柔犢俗中外官師淑聲流  
聞保釐尹正式是東夏安危注意未始有極言代德者以  
公之保集無保字道未光而慶下鍾惟其有之是以仰以之之故  
也初以忠惠公扈鑾輅於岷峨其勤匪懈贈公隴州刺史  
又以持節印冊命專對於北方開忠力再贈公秘書監  
後以太原公南服嘉庸三贈公爲工部尚書以轂下肅清  
四贈公爲太子少保以閩方報政五贈公爲尚書右僕射  
噫嘻賢人教忠之業令嗣揚名之孝大君追遠之澤是三  
者可爲至矣十七年太原公貞于龜筮得二月壬寅吉於  
是備八旒七章鷩冕佩玉之飾博陵彭城二郡太夫人以  
象服拊焉詔給鹵簿官司喪事慶靈集於一門光耀被於  
九原君子然後知積德豐報之不誣矣至若忠惠之子爲  
守臣太原之壻居台司諸孫昌阜冠映圭組則列諸碑陰  
以備代家斷茲琬琰銘公德美集作善其詞曰  
有匪集作匪君子兮德行醇備蟬聯烜集作烜赫兮峻閎弘義  
觀我靈龜兮懼腊毒之厚味樹風百里兮馳蒲密之極摯



四字集作  
仲曼容

集無  
此字  
集無  
此字

慈和安靖兮闔境如春仲叔容儀兮與古為倫全才不耀  
兮流慶後昆忠惠既沒兮太原顯尊五加追命兮賁茲玄  
壤隼旟龍劔兮以至師長澤流根葉兮恩及漏泉壽堂拱  
木兮以集無橫蒼煙隨武可作兮滅孫有後崇岡樂石兮  
昭晰攸久吁嗟王公斯為不朽

故朝散大夫檢校尚書吏部郎中兼御史中丞賜  
紫金魚袋清河縣開國男贈太師崔倕宰相世系表作陸

神道碑

劉禹錫

太師名倕字某清河東武城人太公望既封于營丘子伋  
嗣侯伋之孫曰穆伯食邑于崔遂以爲氏後十四世至奉  
末東萊侯意如東萊侯之子伯基始居清河又十五葉生  
琰爲魏名臣又九葉生休仕後魏爲七兵尚書七兵之第  
曰寅爲樂安太守公即樂安八代孫始以門子補鄭州叅  
軍力行好學於子道以孝聞處伯仲間以友聞讀易至編  
絕以精義聞至德中戎羯猾夏王師出征公少有奇志思  
因時以自奮乃作伐鯨鯢賦上獻既聞集有爾果器之會  
第五丞相以善言利得幸盡付利權始有益鐵使之目慎  
選僚屬表公爲介轉臨晉縣丞處繁應卒鉅刃不集作頓  
府罷再遷至太子司議郎韓晉公時爲戶部侍郎掌邦賦  
急於用材薦公爲監察御史主河東租庸之務尋轉侍御  
史充京東平糴使建中初德宗始親萬機儲精治本有漢  
宣與我共治集作之歎謂大臣求可當良二千石者遂以



公帶本官權知袁州刺史暮月有成詔書顯揚就加真秩  
益以金紫居無何韓晉公爲丞相制國用思公前績乃傳  
召之抵京師授檢校戶部郎中兼侍御史幹池蓋于蒲脩  
牢盆謹衡石煎和既精飴散乃盈商通而游至吏懼而循  
法民不絀網而國用益饒歲抄會其所入贏羨什百詔下  
褒其能轉吏部正郎兼御史中丞具加五等之爵方倚以  
重任天富其材而不遐其福享齡六十有五貞元七年某  
月某日遘疾終于治所上聞悼之因降愍冊贈鄭州刺史  
賚錢三百萬以備飾終之禮明年某月某日還葬于成周  
之偃師從世墓也累贈至太師夫人隴西李氏汾州司倉  
參軍咸一之女生才于六人長曰邠及公終集作時已爲

左拾遺後至太常卿次曰郵後至太府卿次曰郵至外  
尚書次曰邠今爲廷尉次曰郵至執金吾季曰邠今爲太  
常卿同中書門下平章事惟夫人姑藏冠族以蘋蘩組紉  
輔佐君子爲令妻積三十餘年以慈儉忠厚訓誡諸子爲  
賢母二十有三年當永貞初順宗踐祚澤流自葉長子邠  
時爲詞臣草冊書以文當進階遂上疏乞移榮於親優詔  
允之特封清河郡太君士林聳慕皆自痛其不及邠爲太  
常鄴爲大農咸白髮貴綬以奉膳羞諸季各以簪裾給事  
左右愉愉然先意無違言世榮者舉無與比以子貴累封  
贈至涼國太夫人元和八年三集作二月十六日捐館舍壽  
七十有九是歲某月某日合柩惟太常及尚書既今相國



皆有中書舍人爲禮部侍郎凡五貢賢能得士百四十有  
八人言兄弟者許爲人瑞崔氏之門六人皆入文昌宮其  
間三人歷八侍郎統而論之三代卿兩連率二翰林學士  
一執金吾言冠冕者許爲世雄與姑臧李范陽盧世爲婚  
媾入于姻黨無第二流言閥門者許爲時表太常二子亦  
以才能同入尚書璜爲吏部郎璿爲司勳即其他支孫未  
登金閨籍者誦誦然魚貫而進文采集作業甚似而孝謹不  
衰倚歟君子之澤其所從來遠而有光乎開成己未歲七  
月甲辰相君受詔於明庭始操國柄仲冬奉常事于家禮  
成起慕悄然永懷曰古者卿大夫廟有禹墓有碑皆銘之  
以紀先德也今備位宰相敢不敷前人之耿光乃俾家

條白事功咨於學古

集注作七

者徵其詞尚信也又命宗祝卜

祭日告于廟盡誠也儀甚

集作其非

備而敬有餘斯所謂達禮

之君子遂刊勒如式揭于道周銘曰

奕奕四姓崔爲之冠瞻其門墻倬若雲漢善積家肥子孫  
多才如彼棟棟必生祖徠太公之後彌二千祀爛如貫珠  
焯見圖史顯允太師丕承德基構于其堂亦旣墜茨生逢  
艱虞戎夏交師獻賦伐叛忠存乎詞兵興事叢飛輓四馳  
歷踐劇職視屯如夷乃主平糴乃分行使治粟爲邦其道  
一致蒲實近地益爲利泓使車來思刻弊立程吏廉商通  
歲倍其贏奏課連最德音褒明就加執法好爵兼榮天賦  
之才不與壽并生樹德本歿揚淑聲上聞軫懷侑樂爲停



贈襚之禮侔于公卿萬石貽訓根於孝友太丘種德乃稔  
身後家有令子妻為壽母二十餘年人倫之首六子來侍  
如龍如虎衆婦來饋維筐及管佩玉鳴環交饗庭戶申申  
秩秩歡不踰矩昔為甲族今為興門天爵人爵蔚然兩尊  
集作先德蔭之黜集作如重雲孕和含集作粹濯潤本根  
景毫之源圖書之川陽陵帝壇磅礴廻環世安其神世嗣  
其賢聆德風者拜于碑前

校四五十七字

六月十五日

文苑英華卷第八百八十九

文苑英華卷第八百九十一

碑四十七

王爵一

此下三卷英華所編  
失作者先後今正之

周上柱國齊王憲碑一首

唐義陽王李琮碑一首

周上柱國齊王憲神道碑

庾信

昔者軒皇受姓十有四人周室先封十有五國自爾承基  
纂胄保姓受氏雖復千年一聖終是百世同宗故知昔之  
東京既稱大一作漢再受今之周曆即是鄴都中興公諱  
憲字毗賀突恒州武川人也晉太康之世一作始據有黃龍  
魏孝昌之初菴荒玄菟太祖以百二諸侯三分天下函谷  
先登鴻溝大定功業如此人臣以終公含章天挺命世誕



生降太一之神下文昌之宿珠角擅竒山庭表德儀範清  
冷風神軒舉聳動廊廟光華城闕未逾齟齬已議論天下  
事人或曰是謂弱木一枝

十二字一作天下衣裘裳先

旁

蔭數國長河一直自然千里風颺欵遠光景將昇後魏二  
年封涪城縣開國公時年五歲也虹蜺滿野是廢當途之  
高鸞鶯鳴岐實始維新之命國家光宅受圖欽明秉曆大  
風初卷長沙始封周元年進爵安城郡公食邑二千戶仍  
授使持節驃騎大將軍開府儀同三司開府同於馬駿秩  
擬六卿驃騎等於劉蒼位高三事宗子維城彼多慙色武  
城二年授使持節大將軍都督益壽寧

周書作益寧巴盧

等二十

四州諸軍事益州刺史改封齊國公食邑萬戶公時年十

有六王武子以上將開府未滿立年苟中郎爲十州都督  
才踰弱冠方之於公已爲老矣加復營丘負海齊桓公受  
脰之城岷山導江漢武帝求仙之地自非名陵孤竹聲振  
沉黎豈得南至穆陵西登積石幸無白虎之患寧待黃龍  
之盟印笮畏威微盧仰德生爲立廟刻石頌功成都有文  
翁之祀非謂生前漢陽有諸葛之碑止論身後比之今日  
豈可同年而語哉保定四年與大司馬蜀國公圍金墉城  
師臨洛浦則廣武營奔兵上邙山則河橋路斷八川風倍  
五方名利鐵市銅街風飛塵起天和元年徵還行雍牧公  
以日月之明威神其政溱沮旣從荆岐即又少陽用事路  
不喘牛仲秋以殷民無驚水二年拜大司馬仍理

一作厘釐小



冢宰營室殿軍器太監天官以邦國爲基是司六典夏官以兵戈爲主專謀七德是以器械填委旣包吳漢之功宮殿崢嶸彌狀蕭何之法時以白露涼風務閑農隙督兵三萬出自宜陽拔伏龍之城平姚萇之壘馬陵削樹魏將路窮平陰聽烏齊師其遁天子冢第禮絕群公仁義所往事資道德建德元年進爵爲王仍拜大冢宰姬旦封於曲阜不廢居中劉交國於彭陽無妨常從豈直周召二南並居師傅晉鄭兩國俱爲卿士而已哉匈奴突於武川燿火通於灞上公述職巡御治兵朔方馬邑星飛一作龍城月動撓留犁出漢書匈奴傳一作講挑非之酒經略不前失煙支之山下馬而去東隣逆命反道敗德囚箕子於寒庫罵文王於玉門

天子將有孟津之師召公獨議公報以誕應天命克成

勳昔者秦昭起師於蜀直問張儀晉武用兵於吳惟謀羊

祐於是中軍無帥僉曰有歸五年拜上柱國元戎東討給

王鐵騎二萬先襲太原一作并州斗建麾兵天離轉戰虎嘯風

騰雲飛電掩林胡棗栗詎得充饑晉陽菽蒿何能拒防又

加王精兵六萬長圍晉州然後六軍星陳萬騎雷動中權

始及前茅已戰自爾即爲前鋒橫行入鄴觀彼車結槐本

馬驚旋淨積甲高昆陽之城尸封塞富平之水莫不如彼

建旆同斯破竹一朝指揮六合大定是用光昭下武翼亮

中都足以擣祖宗之宿憤解生民之怨黷疑作讎方當待彼

石閭部斯玉鼓經緯天地光華日月旣而赤烏夾日黃熊



入寢實沉無祀桑林不祭宣政元年六月二十八日薨春  
秋三十有四季友之亡魯可知矣齊喪子雅姜其危哉公

器 一作 宇淹曠風神透秀遠璣鏡照林山河容納置罇待酌

懸鍾聽扣聲動天下光照四鄰武皇帝以介弟懿親特垂

愛友而密謀奇策加禮敬焉常謂左右曰孔子云自吾有

田門人日親其齊王之謂也用之作宰則萬方協和用之

撫軍則四表懾伏豈直臯繇為士國無不仁隨會為卿民

無群盜愛翫書籍敦崇禮樂一作管絃入耳則溪谷俱調

文雅沿心則煙霞並韻養由百發落鴈吟後應奉五行緜

細縹帙雍容舉止抑揚談論當世以為楷模搢紳以為軌

範則少有壯志頗校兵書玄水降靈轂城授策飛風長柳

月角星昏莫不吟誦在心撰成於手所著兵法凡有五卷

六韜九法一作不用吳起舊書三令五申無勞孫武先誠

可謂有忠孝焉有壯武焉不自驕矜兼疑作光下物宋人

獻玉不貪為寶百成子高守仁為富不謂以信致欺為善

非樂天年不享嗚呼哀哉以某年月日葬于石安縣洪瀆

川之里原隰悽愴埋於盛德幾年丘陵搖落蘊於才良永

矣乃為銘曰

悠哉朔方逃矣窮陰山連鳥道一作地盡龜林重黎業大

伯翳功深胄其積德必有君臨太祖撥亂喪君有君一作

非廻地軸策動天文猶臨赤水尚復黃雲諸侯八百天

下三分公之挺生寔惟天假翠微臣疑作降文昌星下照

一作勢

六代史卷



于四國充于兩社左傳作閭舟楫江河棟梁華夏水通詞

鋒風飛文雅純深之性一作義極天經忠貞之道事感百

靈君親惟一臣子惟寧忠泉出井孝筭生庭乃宰天官為

國之輔是居上將為天之柱乃聖乃神惟文惟武策高開

闢威移雲雨九宮神畧三術謨明天離轉陣月德廻兵黎

陽水駭官渡山驚冀州既載東原底平滇波欲運弱木將

危中峰岳斷半海鵬垂鳳沉丹穴龍亡黑陂臨淄廢市東

武山移千齡萬古英聲在斯

唐贈陳州刺史義陽王神道碑 張說

昔高祖之起唐侯革隋命太宗之威四海正萬邦作藩帝

家用建王國二十一族堯之昭也十有一宗文之穆也王

諱琮字某文帝之孫紀王之子龍種異品鳳毛秀色仁

天啓德威日就學無不探藝無不究故齊王之胤以爵推

恩周公之子以才分政惣角封義陽郡王弱冠拜歸州刺

史又守檀州又撫沂州若敖之舊荆人是懲單于之衝胡

馬自遠淮沂其父邦國不空遭王運中微投於南海書稱

大夫憫失土之諸侯禮不遜誅議無辜之王子某年月日

遣六道酷吏薨于桂林之野春秋五十神龍之初興廢繼

絕追贈陳州刺史王生不得志歿受遺榮信乎才之短長

不如命之豐約德之輕重不如藝之厚薄古集作矣季子

豫州刺史行休鬢亂羈旅集作孤託身炎厲貌是餘慶歸然

獨存泣血上請迎喪遠裔開元四年二月至桂州王同氣



三人往借遇禍殞歿無主封樹缺如歲月茫茫盡為野草  
 問鄰母而失處訪樵童而莫識議者以為不可復得宜招  
 鬼而改葬行休拊心蒼昊誓不徒還乃掃亭館設地席潔  
 齋懇惻覲乎幽報遂頻夜髣髴集作象曲示其端夢象唐書無此  
 字王乘舟舟分為兩既而適野見東洲中斷因忽悟焉陰  
 隱微明率此類也又靈堂鎖莖一夕自屈管上有三指凹  
 迹一竒二並其旁織生文理布列成卦眾駭其異使善易  
 者張法著之曰屈者於文為尸出指者於義為指縱一竒  
 二並三殞近闕集作問若引渦上山集作揆之可以察先王之  
 心矣考夢協卜定處刻辰以禁月二十八日於桂城東洲  
 發見神輿舉體咸備而一節闕焉行休甚痛惋若身集作

其夜又夢王告在南洛州唐洛書作南州厥明直舊殞而

十有九步沙洲痕下掘而得之安合如故他日北郭之外

又集無又字併收二叔父焉於是乎驗著之有徵也予予三旄

連軸歸飛遙遙百越經途瞻歎零桂人士集無士字以為美談

夫至孝潛通精魄昭應虛無之見推步而有窈冥之體尋

求而致雖前誌所詳未有幽感反覆若斯之昭晰矣以某

年月日陪塋於昭陵栢城妃汝南周氏祔焉禮也妃考曰

駙馬都尉梁郡襄公妣曰臨川大長公主宗周玄胄大君

自出左右圖史循環法度邦有好述室無集作先非偕老以王

之故薨于掖宮初永昌之難王下河南獄妃錄司農寺唯

有崔集作方氏女集無女字扉屨布衣往來供饋徒行頽色傷動



人倫中外咨嗟目為勤孝王之集無二子配在嵩州及六

道使之用刑也長日行遠以冠就戮次日行芳以童當捨

芳啼號抱行遠乞代兄命既不見聽固求同盡西南傷之

稱為死悌君子謂勤孝者仁之厚也死悌者友之難也感

神者誠之至也此三者有以見義陽之義方賢妃之內訓

繼體之崇德夫如是淳羨上歸乎本朝盛烈延耀乎邦族

安可闕而不飾碑版無文而已哉銘曰

高丘白雲維堯大理函谷紫氣維周柱史百代福流千齡

運起富有海內貴為天子聖帝才子於穆紀王賢王祚胤

倬哉義陽慎徽九德九德有常允釐三郡三郡以康明夷

于飛丹崖之下梁木其壞桂林之野不識阡陌無存松楸

乎以求之人莫知者哀哀孝子眷眷靈夢語妙常聞文

甄仲南洛占從東洲億中舊窆移榻新棺改贈既克返

亦附山陵云去其吉神心允憑人非地是迹謝名稱青青

松栢不顯不承

校正二十七字

六月十六日

文苑英華卷第八百九十